

Powšitkowne WOZJEWJENJA

njedźelu, 17. januara 2021

Wusyłanje Božeu mšow

Serbskorěčnu Božu mšu móža wěriwi tutu njedźelu, 17. januara, znova jako livestream w interneće scěhować. Dupołdnja w 9 hodź. přenjese so wona z Chróšćanskeje, dalša hižo we 8.30 hodź. z Kulowskeje cyrkwyje. Linkaj stej na internetowej stronje www.posol.de wozjewjenej.

Film wo putnikowanju do Krupki

Čěski filmowc Martin Studecký je film wo putnikowanju Serbow loni do Krupki zhotowił. Wón je w interneće přistupny a je jedyn z wjacorych dokumentacijow wo putniskich městnach w sewjernej Čěskej. W 14mjeńšinskim filmje předstaja mjez druhim farar Tomáš Dawidowski jako duchowny nawoda a někotři z młodostnych, čehodla so pěši na puć podadža. Zdobom předstajeja so stawizny putniskeho městna. Link k filmej je pod www.posol.de wozjewjeny.

Swjedzeń swjateho Bosćana

Předsydstwo Bratstwa swjateho Bosćana přeprašuje wšitkich na swjedzeń swjateho Bosćana srjedu, 20. januara, do Chróscic. Bože mše budu w 7.00 hodź., 9.00 hodź. a 19.00 hodź. Swjedženski nyšpor budže w 14.00 hodź., ale bjez procesiona po wsy. Hłowna zhromadźizna člonow bratstwa na tym dnju njebudže. Zhromadne modlenje na krutym póstnym dnju wutoru, 19. januara, na wsach njeje aktualnych postajenjow dla móžne. Tohodla měli so wšitcy doma modlić. Wěriwi ze wšitkich serbskich wosadow su přeprašeni, do Bratstwa swjateho Bosćana zastupić. Štóž chcył so z člonom bratstwa stać, njech so na Chróšćanskej farje přizjewi, telefonowe číslo (03 57 96) 8 04 00.

Modlenje w Róžeńće

Na modlersku hodžinu před wustajenym Najswjećišim su wěriwi sobotu, 23. januara, w 17 hodź. do Róžeńčanskeje hnadowneje cyrkwyje přeprašeni. Paćerje spěwać budu so serbsce a němsce.